

安順府志卷之十四

知安順府事長白常恩纂

地理志

氣候

安郡氣候雖與省城略同。然詳考之。省城寒暑較重。而安郡略輕。各屬亦互有異同。謹錄通志於前。而分屬詳載。以備參稽志氣候。

通志氣候

通志曰。黔地窳而土瘠。氣沴而候愆。不可以中州例也。嵐氣上蒸。膚寸之雲。即能致雨。故有漏天之號。山高箐深。虧

安順府志

卷之十四

氣候

蔽日月。一日之間。乍寒乍暖。百里之內。此燠彼涼。田功三月始犁。四月播種。五月插禾。九十月納稼。東作稍遲。則苗不茂。夏初無雨。則收必歉。入秋有大風。則月不實。謂之青空。農民歲入。除正供外。恒不敷食。所賴山坡曠土。雜種燕麥。苽麥。水稗。旱稗之屬。以佐饔飧。故民鮮隔歲之蓄。其亦氣候使然歟。

安順東接貴陽。氣候略同。無嚴寒酷暑。樹藝之期。亦復相近。見舊志

安順氣候

安郡地勢平行。夏鮮酷暑。冬鮮嚴寒。多細雨連日。大風揚

塵無叢山。復嶺故瘴癘不作。無大澤深川。故卑濕無患。地氣蒸而爲潮。牆屋雖潤。而什物之黴變者少。遇陰雨連旬。窓壁皆濕。霽日一出。潤氣旋消。惟雨則生涼。所謂貴州無寒暑。遇雨便成冬者。亦氣候使然也。然宜雨多晴少。則爲豐年。六七月間。當田禾發秀。吐華鍊漿結實之時。尤宜得雨。晴多則害稼。忌寒露太早。則不能成實。揚花時。尤忌午風。露以風。皆久晴之所致也。舊傳穀雨播種。小滿插秧。小暑耘禾。處暑結實。寒露收穫。諺所謂清明早耨。穀雨早秧。是也。近十數年來。氣候既催。而人工亦奮。以春分爲早秧。清明次之。穀雨又次之。以油粘穀爲種之最佳者。穀有紅

白大小數種。詳物產志。油粘穀得氣最早。以上田種之。約四十日。可以分秧栽插。栽後一百二十餘日。即可收割。其中田而種。又次者。布種約五十日。始可分秧。至一百三四十日。始可收割。瘠田則又次之。蓋雨露雖同。而得氣之先者。亦必有資於種類也。麥以小麥爲上。米麥次之。米麥俗名老麥。麥種類甚多。皆秋末布種。夏秋收穫。而老麥之收。較早一月。地工之耨。按春秋二季。一年兩收。兩種以甜耨爲上。布種五十餘日。即可成熟。然氣候之宜。亦有今昔稍異者。舊稱春分前後播種。小滿收穫。秋分前後播種。小雪收穫。近年則地氣舒達。春季之耨如前。秋季之早者。大暑

後下種寒露後即可收穫。亦可知氣候之變易矣。紅稗三月布種。如田功然。栽秧即栽稗。穫稻畢亦即穫稗也。近年山土多種包穀。早者二月布種。六月即可收成。較之高梁。小米。豆。可早月餘。安郡諺語。謂六月七月爲青黃不接。今青黃不接在二三月矣。蓋以前山土未闢。所恃者田禾之成熟而已。六七月未熟。故謂之青黃不接。比年多種包穀。貧民可以接濟。惟二三月麥未登時。播種乏資。人功復缺。布種既遲。收穫益晚。農之爲累者。正此時矣。蓋凡物之資生於地。得其氣之先者。恒暢茂而豐實。安郡地氣發越。較之五十年前。其氣候已大有異矣。信乎天道運行。其氣之

安順府志

卷之十四 氣候

三

應節。以候占之。而實於物之舒斂者。驗其氣之盈縮也。至若二三等月。烈日騰蒸。則常有雹患。雹後則寒氣四達。最能傷禾。亦沴氣使然。比年則氣候和平。此患久絕矣。五六月陰雨連旬。則行秋令。而田禾不茂。以當夏而氣不舒。故收成多歉。他如久雨忽晴。則地氣如烟霧之蒸。久晴忽雨。則氣亦繽紛四出。非瘴也。乃燥濕之氣。乘風相薄。不可觸之耳。舊州一帶多煤山。地氣較溫。與羊武汎壩羊汎等。其氣候畧同。至正東之巖孔。普馬墨瓦等處。皆與郡同。惟猛浪河邊一帶。暑多寒少耳。其稱炎地寒地瘴癘等說。分詳於各屬云。

卽岱氣候

卽岱少暑多寒。亦每多大風。六枝大巖脚。及崇正里之黑塘等處。地勢旣高。故氣候亦多風多寒。黑塘與水城兩路口。接壤播種之節稍遲。惟毛口驛爲羣山所夾。中環一水。其地氣上騰蓄而不宣。故多酷熱。永甯之盤江。素稱炎地。而此地之氣候。有其過之。蓋以日光所照。卽山之陰。山之陽。其冷暖亦各有異。雨露所墜。卽山之頂。山之足。其燥濕亦顯有分。至冰雪則鮮有之矣。故地氣催而耕獲早。昔傳有瘴。今則孔道出其間。陰陽和而氛沴消矣。

歸化氣候

安順府志

卷之四

氣候

四

歸化四面皆山。夏多炎暑。冬鮮冰雪。其地氣溫暖。羣草雖至冬月不凋。不枯。畜馬之家。經年皆飼以青草。瓜菓之成熟較郡中。每早月餘。郡中新市者。皆自廳屬之花山等處販市而來。至郡中。瓜菓新熟時。則彼處已黃落矣。此氣候寒熱之明證也。北面與郡治接壤。耕種之節畧同。東近羅斛。西近永甯。六馬。南近貞豐。皆素稱炎地。火烘。去城僅十五里。入夏以來。草木暢茂。地氣蒸騰。烈日當空。其熱如火。時有氣出岡巒叢樹之間。如擁嵐。如散霞。微雨斜飄。長風送遠。如炊甑之氣。撲入人面。此卽瘴也。土居之民。當此之時。亦多瘡黃。商賈則鮮有至者焉。由火烘至羅賴。氣候皆

同。至播東。則氣候稍平。故有熱火烘冷播東之謬。謂其氣候之稍平。實皆炎地也。大營之地。亦多類此。曩者於彼建城。以其多瘴。故改建於石頭汎。卽今廳治城焉。蓋所稱炎地者。多崇山疊嶂。峭壁夾巖。無井泉以洩地氣。大河之水。爲山澗所歸。非此無以取汲。故水亦多毒。以烹魚肉。頃刻而爛。昔山地未闢。多芭茅草。春夏長時。高七八尺。周遍嶺谷。六七月花開之時。亦有香氣。嗅之則成疾。今則地土盡種包穀。而遷居者衆。烟火旣盛。足以消瘴癘之災。芭茅盡除。而稻梁咸登。同歌樂土矣。

鎮甯氣候

安順府志

卷之四

氣候

五

鎮甯去安郡僅六十餘里。平原相接。氣候與郡城同。播種之節。視得雨爲先後。其所屬各枝。氣候亦無大異。惟陰雨時。間有霧。俗名罩子。侵辰入夜皆有。然甚薄。不至如永甯之重。所轄地與安順。卽岱歸化。永甯。普定。安平。清鎮。及貴陽之廣順。定番。貴筑。大定之平遠。黔西。繡壤相錯。其氣候之早遲。播種之後先。恒視其所近各屬之地。以爲率。如卽洞枝之吳官堡。斗蓬寨等處。接永甯之扒子寨。卽爲炎地也。餘類此。

永甯氣候

永甯州城。居高山之上。羣峯四圍。俗名頂站。多寒多雨。雖

六月沙葛鮮用。而霧氣尤重。侵晨霧起。望之如絮。模糊一片。上下相連。十數步外。行人對面不能見也。晴天之霧。則易開。雨天之霧。則至午不散。按爾雅。地氣發而天不應。則爲霧。說文。霧爲陰冒陽。本於地而行於天。釋名曰。霧。冒也。氣蒙冒覆物。聖王之世。則爲祥瑞。永甯山高。菁深。故地氣使然。間雜有細縷微點。如沙然。颯颯撲面。亦謂之沙。蓋郡治七屬。惟永甯地多寒。附郭之地。一日之間。忽晴忽雨。數十里內。此燠彼涼。田工較郡治稍遲。沙營。頂營。六保。阿果。坡貢。關嶺。較州治略早。其氣候與郡同。惟盤江兩山陡夾。素號炎熱。歷來無雪。有雪則害稼成災。如海椒樹經冬不

安順府志

卷之四

氣候

六

凋。次年春月。卽有新椒。其地氣之暖可知矣。然炎而無瘴。花江。洛盤。六馬等處。每夏秋間。丹碧彌漫。氣如蒸。穉。遠聞糯香。卽瘴起也。外人至此。飲水乘風。則易生疾。蓋與卽岱之毛口。歸化之火烘等處相同。然宜種木棉。其利最厚。居民恒賴以資生。棉之性溫。地氣之寒者。不能種也。故種棉者皆炎地。卽公河一帶。仲春布種。季夏收穫。爲通郡之冠。次則六馬之地。亦號炎熱。不惟宜棉。近則山土多種包穀。至於田工。其耕穫之期。亦較他處爲早。比年以來。瘴癘俱消。樹藝者延山皆滿。固已風雨調而百穀蕃昌矣。

黔書治瘴癘法

黔書曰瘴氣自鎮甯以上。凡地之近粵者。卽有。每於春夏之交。微雨初歇。斜日欲暝。丹碧彌漫。非虹非霞。氣如蒸秫。則瘴起也。遭之。急伏地。或嚼楨榔。或含土。庶幾可免。否則立病。如痲瘡。久則黃肥。脹腹。或逾年。或二三年。莫之救矣。必得黃花根治之。黃花生水澤間。長尺餘。葉如蓼。花開兩瓣。根可取魚。亦可倒蠱。土人多識之。大抵瘴生於嵐山澤。不正之氣也。氣必乘虛而入。中於口鼻。而遂匿乎膏肓。天固有以致之也。東坡云。吾惟鍊氣寡欲。可以無病。又答參寥書云。北方何嘗不病。何必瘴癘。二復斯言。可謂達矣。鎮甯所轄之火烘落架。今改屬歸化素苦瘴。近用火器驚之。卽解。

安順府志

卷之十四

氣候

七

散。遂習以爲常。亦漸不能困人。地氣固有時而變歟。

按此時山林開墾。瘴癘全消。存治瘴之方。正以見今昔地氣之殊懸也。

普定氣候

普定附郭之地。其氣候皆與郡同。定南爲舊所地。耕穫之期。其先後亦不甚懸殊也。所轄之五苑枝白石巖枝。樹隴枝。叮嚀枝。桐運枝。皆在縣之正南。距縣旣遠。多暑少寒。亦稱炎熱。其氣候亦早。蓋五枝之地。與歸化永甯接壤。崇山峻嶺。迥異郡治。樹藝之宜。耕穫之候。亦與歸化永甯之炎地無異也。而發發之風。則寒熱皆隨其時。所在多有耳。

安平氣候

安平地多平曠。氣候和平。然晴久則冬亦暖。雨久則夏亦寒。此又天時之變。暫而不常者也。西堡地接威甯。山高氣寒。兼多陰霧。東作較遲。秋成亦晚。馬場豬場土牛平寨波拉那穹柴家壩地濱沙家大河。耕獲甚早。柔西岩脚草止。桐寨補泥翁浪木威各處。思臘河流繞其旁。地勢較低。而氣亦較暖。其餘播種之節。均與郡同。

清鎮氣候

清鎮暑不酷而氣較烈。寒不甚而候多涼。播種之節。亦與郡同。所轄地如鴨池河。去黔西州五十里。黔西氣候皆寒。

安順府志

卷之四

氣候

八

鴨池河濱河則暖。登山則寒。即地之高下。而寒暖異焉。然無瘴氣。即鷄昌河。滴澄河。沿河氣候。皆屬溫和。其與貴筑接壤之區。氣候亦與省會相近。

附諺語占驗

正月

元日清明主歲豐。是月忌雷鳴。有雪諺云。正月雷打雪。二月無休歇。三月無秧水。四月秧上節。按按正月於卦。為泰。於律為太簇。隸雨水。日躔娵訾之次。為正月中氣。地氣初萌。雷鳴則宜洩太過。雪為陰陽之凝。遇雷則陰陽相薄。出地而奮。氣候太早。故至四月。多致缺雨。不能

犁田分秧，秧乃過節也。月中有雪，謂之瑞雪，於麥最宜。立春日清明，主歲豐。諺云：但得立春晴一日，農夫不用力耕田。按每遇立春前一日，迎春東郊，若遇清明，農人皆慶，則立春之宜晴，亦和氣之應節。所謂農祥晨正，土膏脉起者也。

二月

社日宜雨。諺云：春社無雨不種田。按潛確類書：立春後第五戊日為春社，立秋後第五戊日為秋社。提要錄云：社，公社母，不食舊水，故社日必有雨，謂之社公雨。陸龜蒙詩：幾點社公雨，一番花信風。以月令而論，春事方

安順府志

卷之四

氣候

九

興，故祀社以祈農祥。方壇報本，其典至重。安郡田家於社日，以鷄豚祀田祖，亦枌榆之遺風也。得雨非特以慶豐年，而麥亦早登。胥於是日課之，棠梨花開，社酒濃，欣看醉人之歸矣。按是月於卦為大壯，於律為夾鐘，隸春分日，躔降婁之次，月內若逢三卯，則園圃蕃滋，驚蟄宜雷，春分宜雨，近年早秧，則以此日下種矣。

三月

清明宜晴，明以應春氣。又是日聽蛙鳴，以上旱潦，聲大主水聲。小主旱，初七日宜雨。諺云：三月初七日，要雨不得雨。按是月於卦為夬，於律為姑洗，隸穀雨，日躔大

梁之次則春氣暢達故俗語又有清明斷雪穀雨斷霜之諺謂大雨將行霜雪非其候也安郡四鄉及安平所屬近多種茶其嫩芽如雀舌者於穀雨前採之而播種則以穀雨節為遲矣又考二十四番花信風皆所以驗氣候本郡惟花未開之前必寒數日謂之凍梨花凍桃花微雨醞釀清寒徹骨至花開則晴每歲皆然不凍則花之開每遲而氣候不催至海棠花楝子花開時始課以風耳郡俗清明多以楊柳葉簪髮亦有以之插門者然不如端午蒲艾之盛耳

四月

安順府志

卷之四

氣候

十

初一日宜晴諺云四月初一見青天高山平地可種田初八日宜晴諺云四月八日晴魚兒上高坪謂晴則主雨多為豐年也立夏日宜雨宜東風是月中若日逢甲子忌雷鳴鳴則蝗蟲害稼小滿宜雨晴則多旱按是月於卦為乾於律為仲呂隸小滿日躔實沈之次時為長嬴安郡至此登小麥東菑聚筮王瓜之生亦在是月然氣候稍遲不能如禮所云立夏之日螻蟈鳴後五日蚯蚓出後五日王瓜生可按日而考也安郡瓜果之期炎地則早寒地則遲此篇據其中和之地以為衡然考之月令禮經亦不能皆合此足見氣候以時地為

轉移拘泥舊說者正多謬戾耳

五月

端節宜晴主年豐芒種鳴雷主年豐五月夏至占米貴
賤諺云夏至逢端陽埽盡萬年倉夏至五月中耽擱糶
米翁夏至五月尾禾熟米價起夏至日起西北風者瓜
菓少成十六日有雨謂之分龍雨按是月於卦為姤
於律為蕤賓隸夏至日躔鶉首之次長風扇暑萬彙滋
榮安郡當五月而氣候尚平無酷暑之慮惟諸炎地則
有異耳

六月

安順府志

卷之四

氣候

十一

大暑小暑宜炎熱百穀始結實初六日忌雨諺云雨濕
老龍甲要晒廿四天謂此日有雨以後多晴田中乏水
也又諺云六月秋減半收七月秋般般收若立秋在六
月亦不宜也按是月於卦為遯於律為林鐘隸大暑
日躔鶉火之次四時代謝皆以相生至孟秋以金代火
金畏火至庚日必伏三伏之日安郡暑氣雖重而腐草
之螢與土潤溽暑之占其氣候皆畧遲故無須冰之飲
而暑亦能調云

七月

立秋日有雨謂之倒秋倒秋則年豐無雨謂之不倒秋

收成多歉初七日占天河影七日見天河則穀賤不見則穀貴諺云天河蓋屋脊家家有飯吃處暑日宜晴按是月於卦爲否於律爲夷則隸處暑日躔鶉尾之次雖大火西流而商飈之應節者至八月而秋氣始肅故郡治七月涼風猶少也惟遇陰雨連旬則氣候迥別附天河探米價以定來年貴賤說天河之影終古如斯豈有去來而爲下民占米價乎然農家以是占之間有驗者蓋懸象在天其隱顯晦明固無心也而卽所值之隱見晦明以課之言雖淺俗殆亦有數與機之相合者歟

安順府志

卷之四

氣候

十一

八月

白露日晴主有收遇雨則謂之苦雨多傷稼秋分日忌雷鳴諺云只恐此日雷電發冬來米價貴如何中秋夜占次年元宵晴雨諺云中秋月不明雨打上元燈秋社日宜雨諺云秋社無雨不種園按是月於卦爲觀於律爲南呂隸秋分日躔壽星之次金氣方勁百穀得露而成實天氣清明西成乃無滯穗

九月

重陽日宜晴十三日亦宜晴諺云最愛十三晴一日棉花冬暖無人秤然兩日皆晴則冬少雨雪諺又云重陽

無雨看十三、十三無雨一冬乾。按是月於卦爲剝，於律爲無射，隸霜降，日躔大火之次，小麥菜子等皆於月內下種，而縮內在時，農功之早者已於是月滌場矣。

十月

初一日宜晴，諺云：十月初一晴，柴炭不須銀，又自朔至望宜有霜，諺云：十月無霜，碓中無糠。立冬之日忌逢壬，逢壬則來歲田禾少收。立冬日晴，占來年春雨多。十六日俗謂之寒婆生日，晴則一冬多暖。按是月於卦爲坤，於律爲應鐘，隸小雪，日躔析木之次，禮曰：小雪之日，天氣上騰，地氣下降，水始冰，地始凍。安順則氣候溫和，十月鮮有冰雪，然不能執禮經以爲定也。

安順府志

卷之十四

氣候

十三

十一月

冬至日晴，年中多雨；冬至日雨，年中多晴。農家冬至日取諸穀豆等種，各量一升，以布袋盛之，埋於陰地，五十一日後取出，以驗地氣所宜。有長至二升者，有不滿一升者，照其長者之種，次年播種則獲倍蓰之收。此農家驗種秘法，但所埋之地與所播之地土色相同則驗其宜。於此而不宜於彼者，則土脈之有異耳。卽如同一驗種，在此則長，在彼則縮。本年則長，次年則縮，亦足以見氣候之變遷，當隨時以置宜耳。按是月於卦爲復，於律

爲黃鐘隸冬、至日躔星紀之次、郡地當此月、不宜多霜、
諺云冬月月照霜、確頭不宜糠、冬至日天陰、不晴、不再、
謂之長養元氣、諺云冬至天陰無日色、來年同唱太平
歌、

十二月

宜雪、諺云一雪蝗子無蹤、二雪來年大豐、又以月內之
上旬中旬下旬有雪、卜來年黃梅雨之應、按是月於
卦爲臨、於律爲大呂、隸大寒、日躔元枵之次、雪多則來
年多雨、且麥最宜、至所謂水澤腹堅者、郡屬則氣候多
溫、雖冰雪連旬、河水亦鮮有凍耳、

安順府志

卷之十四

氣候

十四

以上諺語占驗、據永甯安平志乘所載、復爲詳考近年
氣候歌謠、缺者補之、不驗者刪之、參互禮經各書、以證
明之、至貴州節氣時憲書所載、最爲詳備、其先後之刻、
較之京師、有子初初刻、稽至丑正二三刻者、卽此以
見氣候之連行、本於天而亦因乎地矣、寒暑之分、其以
時地爲變遷者、固無容疑矣、